

鄭健廬著

桂遊一月記

中華書局印行

自序

顧亭林曰：「有體國經野之心，而後可以登山臨水。」是知游觀攬勝，非徒悅性怡情已也。桂省僻處西南，比年政治革新，成績懋著，而山水奇秀，自昔有名。今夏有事於梧州，乘便觀光桂省。綜計游程，由香港而廣州，而三水、河口，而梧州，而南寧，而武鳴，而柳州，而富、鍾，而桂林，而柳州，而梧州，以歸香港。公路所經二十五縣，沿江所過凡七縣，歷程四千餘里，爲時二十餘日。舉凡桂省政治、教育、建設、交通、農林、鑛產、工業、團務、名勝、古蹟，見聞所得，塗抹而成。健固不文，此作原視同覆瓿；況管中窺豹，僅見一斑，罅漏之譏，知所難免。綴爲斯編，以寫實狀，亦聊作桂遊之紀念云爾。民國二十有三年六月鄭子健謹誌。

桂遊一月記

目次

一	桂遊緣起……………	一
二	從廣州赴三水河口……………	一一二
三	望鼎湖山……………	二一五
四	過羚羊峽……………	五一六
五	龍母誌異……………	六一七
六	入梧手續……………	七一八
七	到梧州……………	八二〇
八	廣西大學校……………	一〇一二
九	兩廣硫酸廠……………	一二一三

一〇	從戎圩首途·····	一三一—一四
一一	到容縣·····	一五一—一六
一二	從容縣啓行·····	一六
一三	過鬱林·····	一六—一八
一四	過貴縣·····	一八—一九
一五	翼王亭·····	二〇—二二
一六	過賓陽·····	二二—二三
一七	賓陽盜業概況·····	二三—二三
一八	崑崙關·····	二三—二四
一九	到南寧·····	二四—二六
二〇	政府當局之訪問·····	二六—二七
二一	桂省政府合署組織大綱·····	二七—三三
二二	南寧旅客檢查之公佈·····	三三—三四

二三	桂省公務人員之軍訓·····	三四—三五
二四	南寧市區·····	三五—三七
二五	桂省教育概況·····	三七—四〇
二六	南寧各友之訪問·····	四〇—四二
二七	邕武道中·····	四三
二八	南寧區民團指揮部·····	四三—四六
二九	廣西初中軍事訓練第一大隊·····	四六
三〇	大同村公所·····	四七
三一	南寧區公務人員眷屬工讀學校·····	四七—四九
三二	武鳴縣城·····	四九—四九
三三	靈源·····	四九—五〇
三四	起鳳山·····	五〇—五一
三五	省政府之讌集·····	五一—五二

三六	桂省民團訓練概況·····	五三
三七	白健生黃旭初之軼事·····	五四
三八	三塘斷橋·····	五四—五五
三九	廣西家畜保育所·····	五五—五六
四〇	桂省報史紀聞·····	五六—五八
四一	從南寧出發·····	五八—六〇
四二	鄭交泰治上林縣之政績·····	六〇—六五
四三	過蘆圩·····	六五—六六
四四	過遷江·····	六六—六七
四五	到柳州·····	六七—七〇
四六	廣西航空處·····	七〇
四七	廣西機械廠·····	七一
四八	廣西酒精廠·····	七一—七二

四九	廣西農林試驗場·····	七三
五〇	立魚峯·····	七四—七五
五一	柳侯公園·····	七五—七七
五二	從柳州啓行·····	七七—七八
五三	過荔浦平樂·····	七八—八〇
五四	廣西鑛務局富賀鍾辦事處·····	八〇—八一
五五	桂省鑛產概況·····	八一—八二
五六	發展富賀鍾錫鑛計劃·····	八二—八四
五七	發展西灣煤鑛計劃·····	八四
五八	賀成錫鑛公司·····	八四—八五
五九	普益施仁錫鑛公司·····	八五—八六
六〇	平樂區民團指揮部·····	八六—八七
六一	賀縣八步五卅紀念·····	八七

六二	賀縣民衆圖書館·····	八七—八八
六三	桂花井·····	八八—八九
六四	籌築三賀鐵路計劃·····	八九—九〇
六五	姑婆山紀遊·····	九〇—九三
六六	西灣休憩·····	九四
六七	從西灣啓行·····	九四—九五
六八	過陽朔·····	九五—九六
六九	桂林林壑區·····	九六—九七
七〇	良豐花園·····	九七—九八
七一	廣西省立師範專科學校·····	九八—九九
七二	到桂林·····	九九—一〇一
七三	中山公園 獨秀峯·····	一〇一—一〇五
七四	象鼻山 水月洞·····	一〇五—一〇八

八七	到梧州	一三三—一三四
八六	過桂平	一三二
八五	過大籐峽	一二九—一三〇
八四	柳江船中	一二七—一二八
八三	桂柳道中	一二六—一二七
八二	虞山 韶音洞	一二三—一二六
八一	木龍洞	一二三
八〇	疊綵山 風洞	一二九—一三三
七九	伏波山 還珠洞	一二五—一二九
七八	龍隱岩	一二二—一二五
七七	月牙山	一二一—一二三
七六	普陀山 七星岩	一二〇—一二一
七五	浮橋 花橋	一一八—一二〇

八八	桂省公路概況·····	一三四—一三五
八九	中山紀念堂·····	一三六—一三八
九〇	梧州女警士·····	一三八
九一	西江船中·····	一三八—一三九
九二	到香港·····	一三九—一四〇

桂遊一月記

一 桂遊緣起

民國二十三年五月，中華書局總經理陸費伯鴻先生南來香江，以近年廣西政治改良，教育革新，進展之速，一日千里，中外觀光者，咸稱爲今日中國之模範省。特囑余赴梧公幹之餘，乘便考察桂省政治教育狀況。余以嚮者赴桂，僅到梧州，至南寧以上，足跡未經，亦樂於遊覽山川，增長聞見。原擬自港乘輪啓行，因有他事，遂於五月二十日先赴廣州，取道三水河口，轉船西上。

二 從廣州赴三水河口

五月廿一日晨，到廣州。適友人吳毓騰、胡茂菁、胡吉慶、陳君葆諸君，亦作桂遊，乃相約同行。余擬先到三水訪友，乃與君葆至西濠口，乘十一點小輪過石圍塘，以挑佚誤事，行李來遲，未能趁此輪行。有頃，行李到站，乃即乘汽車赴黃沙，轉乘十一點半小輪往石圍塘。抵廣三鐵路車站，即上頭等車。旅客無多，間有御軍服者，自由乘坐耳。車行震動，天氣酷熱。余伸首車窗外，眺望田疇景色，沿路一帶，地土饒沃，種穀類果實甚多，而遠山近水，亦饒佳趣，故不覺勞頓。二點到三水河口，出車站，入市集，而至煤油營業稅局，訪宗弟夏彝，茗談良久。四點後到車站，接毓騰、茂菁、吉慶三君，乃別夏彝，乘小艇，上江蘇輪船。時因西江水淺，港梧輪船停泊口外，艇行遲滯，同行者苦之，余轉覺泛舟中流，別饒樂趣。既而上船，梧州分局經理臧自強，已由港乘此返梧。五時半啓碇。江蘇輪船載重約千噸，每小時約行九海里。溯江而上，峯巒聳翠，風景絕佳。余等憑舷眺望，至足樂也。

三 望鼎湖山

船行未久，過羅隱涌，遠望鼎湖，晚煙籠罩，隱約可辨。憶余去冬曾與劉東鵬、黃鎔廷、舍弟



圖一 肇慶七星岩遠眺

子展，至肇慶遊七星岩，復作鼎湖山之遊，越宿出羅隱涌，乘電船赴三水而返廣州。故鼎湖風景，依稀如昨。茲略記之：羅隱涌在高要縣屬廣利圩之上，鼎湖山下院憩庵在焉。有寺僧招待。若由下院乘輿上山，約十五里，初爲坦途，漸登山徑，轎用兩竹爲槓，中懸棕索，掛一板爲坐位，背靠踏脚，均爲一橫竹片。古所謂板輿者，殆指此耶！路旁石刻，有「徑入寒翠」四字。漸入佳景。沿山泉而行，山徑漸狹，樹林密佈。至半山亭，溪流環繞，泉聲潺潺，自此登臨，路如之字，曲折盤旋，層累而上，叢林滿山，不見日光。路旁豎石碑二：「右往飛水潭；左上

鼎湖山，「乃由左上至數層入補山亭，有聯云：『百城煙水無雙地，五嶺歸宗第一山。』」再上幾層，卽慶雲寺。傍有聯文曰：『蓮華歷劫香初地，雪液飛泉譽萬峯。』四面環顧，萬山重疊，此寺將及山巔矣。余等去冬遊此，適爲臘八節（舊歷十二月初八日），寺內大開戒壇，比丘僧



圖二 鼎湖之瀑布

願一切。考鼎湖山開闢之始，在明崇禎年間，殿宇宏敞，結構雄壯，香火之盛，爲嶺南諸名山之冠。余等五更卽起，觀僧衆早課。旋遊飛水潭，爲鼎湖絕勝之處，將至潭，有一亭，章太炎題「滌

尼，男女居士，來山者數百人，知客僧導至善慶堂，爲余等下榻之所，陳設簡陋，帳被污穢。此堂在廚房之上，煙氣蒸騰，大不可耐。幸是夜僧衆大舉法事，余等咸在大殿參觀。夜半登樓，寒風凜冽，倦極欲眠，亦不

瑕盪圻」橫額。泉聲樹影，境地清幽，行數十步，至飛水潭邊，有王典章題「蒼崖白練」石刻。四面崇山環繞，樹木陰森，仰望山巔，瀑布飛流而下，如銀河倒瀉，灌注潭中，水清見底，怪石嶙峋，參差錯落，近瀑處如雪花飛濺，水聲聒耳。若在盛夏遊此，則解衣石上，浴身水中，大有振衣千仞岡，濯足萬里流之概！民國三年甲寅十月二十二日，有黃秋心、鄧秋零二女士在此潭投水而死，遺書有「魚處水則生，人處水則死」十字。余友潘冷殘、馮秋雪、印雪等，曾有詩文哀之，詳載天荒畫集及雪堂詩聲。蓋二女士爲羈零女子，故萌厭世之念也。遊踪追憶，餘興依然，因補記之，以誌鴻爪。

四 過羚羊峽

入暮，船過羚羊峽，俗稱肇慶峽。淺山葱蘢，峭壁兀突，恍若巨靈削就，天生此峽，所以筦轄河江入粵之鎖鑰歟！昔漢武帝自巴蜀發夜郎兵，下牂牁江，會番禺；明廖永忠平廣西，由肇慶溯西江而抵梧州，卽取道於此也。江水湍急，奔流有聲，仰視天空，衆星朗朗，暮色四合，景物依稀，乃入餐室，與同行諸友談天。吳毓騰爲南洋怡保視學官，胡吉慶爲南洋鑛師，胡茂菁爲南

洋實業家，陳君葆爲香港大學教授，均有志赴桂觀光者，余得同行，亦大佳事。船中暢談，言論自由，諠浪笑傲，淋漓痛快，真樂而忘倦也。

五 龍母誌異

同船旅客，有談悅城龍母事蹟者，頗多神話，因並誌之。其言曰：『溯肇慶峽而上，爲悅城，有龍母廟在焉。殿宇寬宏，結構壯麗，香火之盛，爲全省冠。投司祝者，須費萬金，爲悅城地方公費一大宗收入。每年夏歷五月初八日爲龍母誕辰，港澳輪船及內河拖渡，改航而往者多至數百艘，途經肇慶，皆稍停泊，俾旅客順遊七星岩風景。專僱之船，無不鼓樂喧天，笙歌澈耳，其聲遍乎「一江千頃波，兩岸萬重山」之間。時維五月，三峽倒流，洪濤最漲，俗稱龍舟水，惟不聞有沉舟事發生，斯亦奇矣。凡往悅城進香者，戒食鯉魚，犯之腹痛，卽往來此地者，亦相戒不敢誤食，或謂鯉躍禹門而成龍，故龍可化爲鯉，龍鯉同其類也。有清末葉，廟宇重修，迎神建醮，梨園歌舞，熱鬧倍常，一時不戒於火，致召焚如，而廟宇內外，無絲毫波及，亦無傷斃人命，誠不可思議者也。相傳龍母在處女時，偶見有小青蛇七尾，游泳江干，愛而納之籠中，歸家豢養。一

日風雨大作，居民震恐，忽霹靂一聲，羣蛇盡化爲龍，騰空飛去，地方賴安，因立廟而祀焉。『其後凡往來船舶經此，稍侮慢不敬，罔不顛覆。而肇慶峽爲西江匯流之所，水漲流急，時極危險，溯江而上，以至桂林，過三百餘灘，其危險情狀，不可形容，大有非藉神力不能安然渡過。考南越志載：『昔有溫氏媼，居澗中，捕魚自給，忽於水邊見一卵，大如斗，拾歸，十日許，有物如守宮，穿卵而出，長尺許，自小至長，能入水代媼捕魚，媼治魚，誤斷其尾，逡巡而去，數年還，媼見其輝光炳耀，謂之曰：「龍子，今復來耶！」親馴如初。始皇帝聞之，以元珪禮聘媼，媼戀故土，不以爲樂，至始興江，去端溪千餘里，龍輒引舟還，不踰夕，至本所，如此數四，來者懼而止，不能召媼。媼殞，瘞於江陰，龍子常爲大波至墓側，縈浪轉沙以成墳。人謂之「掘尾龍」。』寰宇記：『墓舊在江南岸，一夕龍子移於江北，有廟曰「孝通」。』兩說未知孰是，而證以過此者戒食鯉，鯉龍同類相感，且曾代媼捕魚爲業，則後說近是矣。

六 入梧手續

廿二日，早餐後，船員攜來梧州商埠公安局檢查入口旅客報告表，着各客照填，此表爲